



EXAMINATION NO: _____

Page 1 of 14

M032/III

DESHA EXAMINATION BOARD

2024 MALAWI SCHOOL CERTIFICATE OF EDUCATION MOCK
EXAMINATION

CHICHEWA

Subject Number: M032/III

Wednesday, 27th March, 2024

Time Allowed: 2 Hours

PAPER III

(MALIKISI 70)

MALANGIZO

1. Onetsetsani kuti pepalali lili ndi masamba
osindikizidwa khumi ndi anayi
2. Yankhani mafunso onse **mgawo A** ndipo
muyankhe mafunso awiri okha **mgawo B**.
3. Muchitebu chili pambalipa onetsani funso lomwe
mwayankha pochonga.
4. Perekani pepala kwa oyang'anira mayeso nthawi
ikakwana

| Funso | Chongani zomwe mwayankha | Muno musalembemo | |
|-------|--------------------------------|---------------------|--|
| 1 | | | |
| 2 | | | |
| 3 | | | |
| 4 | | | |
| 5 | | | |
| | | | |

GAWO : A (Malikisi 30)

Nkhani za Mchezo ndi zolembedwa

Langizo : Yankhani mafunso onse m’gawoli pa mizere ili pansi pa funso lili lonse.

- 1. Werengani ndakatulo ili m’munsiyi ndipo muyankhe mafunso otsatira.**

AKADAPEZEKA MAHOTERA

Akadapezeka mahotera

Ophika matemba a Domasi

Ndikadayipweteka nsima

Mtima uli zii

Zala ndikuchita kunyambitira

Akadapezeka Mahotera

Ogulitsa mtandaza

Odyera mtapasya ogona

Pena mphalabungu

Mwina mafulufute

Nkadati mphasa ndiyala

mnenemo Pochotsa dalasi

Akadapezeka mahotera ophika chikadya

Kapena luni

Atamose walimanda therere

Ndimimbayi ikadanka

Ili ngungungu kumudzi

Akadapezeka mahotera

Ogulitsa chiponde

Mwinanso chigodo

Ndithu nkadayimba lokoma

Pogalika zokomazo

Akadapezeka mahotera

Olawitsa uwende

Mukudikira mpunga ofunda thendo

Nkadati kukhosi

Kuyera khwitimba

Mafunso

1. a. Kodi akuyankhula mndakatuloyi ndani?

_____ (Malikisi 1)

b. Woyankhulayo akuyankhula kwa yani?

_____ (Malikisi 1)

c. N'chiyani chomwe chamuchitikira woyankhulayu?

_____ (Malikisi 2)

d. Tchulani zinthu ziwiri zomwe woyankhulayu akuzisowa.

i. _____ (Malikisi 1)

ii. _____ (Malikisi 1)

e. Perekani matanthauzo amawu awa m'ndakatuloyi.

i. kuipweteka nsima

_____ (Malikisi 1)

ii. kuyala mphasa mmenemo

_____ (Malikisi 1)

iii. mtapasya

_____ (Malikisi 1)

f. Perekani zipangizo ziwiri ndi zitsanzo zake zomwe mlembi wagwiritsa ntchito m'ndakatuloyi.

i. Chipangizo: _____ (Malikisi 1)

Chitsanzo: _____ (Malikisi 1)

ii. Chipangizo: _____ (Malikisi 1)

Chitsanzo: _____ (Malikisi 1)

g. Tchulani mfundo yaikulu yomwe yakambidwa mu mndakatuyi.

_____ (Malikisi 1)

- h.** Kodi ndime za ndakatuloyi zikufanana ndi kusiyana bwanji?

(Malikisi 1)

2. Werengani nkhani ili m'munsiyi mosamala ndipo muyankhe mafunso otsatirawo.

Moyo m'ngozungulira

Anthu apaulendo amandanda pa mzere ndi kudinditsa ziphaso zawo zoyendera asadanyamuke ulendo wawo wa pandege kupita kunja kwa dziko lino. Kuyambira pamene kampani ya ndege idasiya kulengeza za maulendo ake anthu ambiri akhala akuthawidwa ndi ndege.

Tsiku lina Mustafa adatsala pang'ono kusiyidwa paulendo wake wopita ku South Africa. Iye sadadziwe cholinga chosalengezera maulendo mpaka pomwe mnzake adamunong'oneza. Koterokotero atadinditsa chitupa chake adasangalala podziwa kuti akupita ku South Africa komwe akatheko mwezi umodzi.

Ali chisangalalire choncho adamva wina akumukhudza ndipo pocheuka adaona kuti ndi Lizi. Mtima wake udagunda ndi kuzizwa podziwa kuti ukwati wawo udali utatha chaka chapitacho. Pamenepo Mustafa adakumbukira zomwe zidachitika pa tsikulo ndi zotsatira zake.

Abusa a chigalu adayang'ana mwana wawo Lizi momuzonda. Iwo adapukusa mutu nati; Mwana wanga Lizi, uyu ndani?'

'Bambo ndidati ndi...ndi... aDokotala.'

'Sindikufunsa ntchito yawo koma dzina ndi komwe amachokera.' Atalimba mtima Lizi adati, 'Uyu ndi Mustafa ndipo amachokera ku m'mwera.'

'Lizi, umuuze kuti sizingatheke!'

'Bambo kodi kuchokera kum'mwera ndi tchimo?'

‘Poyamba ndidakuuza kuti ife akumpoto ndi akumwera sitimwera chikho chimodzi. Ndiponso miyambo yawo ndi yosiyana ndi yathu. Ngakhakhelenso zipembedzo zathu n’zosiyana.’

Zomwe bambo ake a Lizi adanena pamaso pa Mustafa zidamupindira ndevu mkamwa kotero adathedwa nzeru popeza sadayembekezere kuti wodzakhala atatavyala ake angayankhule motero.

Mustafa Ndi Lizi adali pa ubwenzi kupitirira zaka ziwiri. Mustafa adali msilamu pamene Lizi adali mkhristu. Bambo a Lizi adali m’busa wopanda psete. Iwowa adali ampingo wa chipentekositi. Ngakhale padali zopinga zotere Lizi ndi Mustafa ankagwirizana zomanga banja. Awiriwa ankaganiza kuti makolowo atha kusintha maganizo chifukwa padali patapita nthawi yayitali. N’chifukwa chake Mustafa adalimba mtima kubwerabe kuti aumirize bambo ake a Lizi kuti avomere kuti iye akwatire mwana wawo. Iye adaganiza kuti mbusa Chigalu akadatha kusintha maganizo.. Nthawi zonse bambo ake a Lizi ankanena kuti sankafuna mwana wawo kukwatiwa ndi Mustafa ngakhale sankaulula zifukwa zake koma pambuyo pake sadabise zakukhosi.

Abusa Chigalu adali munthu yemwe sankakhulupirira kuti mdima ndi kuwala zingakhaliwe limodzi. Iwo ankati ndikulakwa kuchita zinthu limodzi ndi anthu okana mtanda wa Yesu. Nthawi zonse ankamuuzza Lizi nthano ya Samson ndi Delira yemwe Samson adamukwatira pamene makolo ake sankafuna.

Abusa aChigalu ankatengera kugawanika kwa ndale m’dziko n’kufananitsa ndi kugawanika kwa zipembedzo. Iwo sankakhulupirira kuti anthu azipembedzo ndi zikhulupirira zosiyana angakhale limodzi ngati ataphunzira kukondana ndi mtima onse.

‘Ngati iwe Mustafa ufuna kukwatira mwana wanga utha kutero koma simulandira madalitso anga.’ ‘Komatu abusa inetu ndi mwana wawu tili pachikondi zedi.’ ‘Nzosatheka kuti mdima ndi kuwala zingakhale limodzi!’

Apa Mustafa adanyozeka ndi kukhumudwa kwambiri. Ndipo iye adadziwa kuti m’busa Chigalu ndi wolimba chiwindi.

Mustafa adali katswiri wa zamatenda amtima pa chipatala ndipo katswiri wa matendawa adalipo yekha pachipatalapa. Ngakhale iye adali katswiri adalephera kumvetsa chifukwa chomwe anthu ena ankakhulupirira za zipembedzo.

Adayesetsa kufufuza kuti aone ngati mitima ya anthu akum'mwera ndi madera ena idali yosiyana koma adapeza kuti ndiyofanana. Vuto lomwe lidalipo ndi kusamvetsa bwino kusiyana kwa mitundu kapenanso zikhulupiriro za anthu.

Mawu ake otsiriza a Mustafa kwa wokondedwa wake Lizi adati, 'Lizi ndikukukonda kwambiri koma ungakhale uchitsiru wanga; ndipo zingakhale zoopsa kuti tipitirire kukhala pa ubwenzi chifukwa bamboo ako akaona ine sakuona mwamuna koma wa munthu wakum'mwera. Mwa ine sakuona ngati mnzako koma mdani wa mtanda wa Yesu. Wokondedwa wanga dziko silidzkhala chimodzimodzi ngati anthu saphunzira kukondana ngakhale ali ochokera zigawo zosiyanasiyana.

Ndi mawu awa Mustafa adagwa pansi nasisima. Bwenzi la Lizi lapamtima lidakhumudwa ngakhale adapangana kuti zivute zitani adzakwatirana basi.

Atasiyana, masiku adasandulika masabata ndipo masabata adasanduka miyezi. Lizi yemwe ankagwira ntchito yowerengera chuma adaona kuti akukula koma opanda banja ndipo ukalamba udayamba kuchita ufumu pathupi lake. Adalakalaka mayi ake akadakhala moyo akadamulimbikitsa kuthawitsana ndi wokondedwa wake Mustafa. Amayi ake a Lizi adali munthu yemwe ankaona zinthu momwe zilili kusiyana ndi abambo ake womwe anali kuona zinthu momwe iwo akufunira kuti zikhalire. Lizi anakonda bambo ake aja koma anakondetsetsa Mustafa koposa chinthu china chilichonse ndipo Mustafa ankamukondanso koma zidali zosatheka kukwatirana naye popeza abambo ake adatemetsa nkhwangwa pamwala pa nkhani yokhudzana ndi ukwati wawo.

Tsiku ili nkuti bambo a Lizi atadwala ndikugonekedwa mchipatala. Atafika dokotala adawauza kuti bambowa amafunika opaleshoni mwachangu. Dokotala wochita opaleshoniyi anali Mustafa Kachule yemwe patsikuli anakagula tikiti ya ndege kuti tsiku lotsatira azipita ku China kumsonkhano wamadokotala.

Lizi adakakamizika kukakumana ndi Mustafa kuti akapereke pempho. ‘Chonde Mustafa ndithandizeni ndagwira mwendo.’ ‘Lizi ukunenazi ndikumva koma zoti udziwe ndi zoti opaleshoni yamtima ndi yoopsa. Munthu atha kukhala moyo kapena kumwalira. Atati amwalire pochita opaleshoni udzanena kuti ndawapha dala?’ ‘Chonde Mustafa tikuchedwa.

Opaleshoniyo idawatengera adokotala aja maola asanu. Mustafa atatuluka mchipinda muja adathamangira kuofesi ya zamaulendo a ndege. Atafika kumaofesiwo adali atatseka popeza nthawi inali itatha. Atafunsa wina za ulendo wa ndege yopita ku China adamuza kuti idali itadzadza pamene amatseka maofesi.

Mustafa adasweka mtima ndipo adapita kuchipatala kuja. Atafika kuchipatala kuja adapeza Lizi akucheza ndi bambo ake omwe adali atangotsitsimuka kumene. Mustafa adayamba kuisima.’

‘Lizi, nde..., ndege ya..., malo andege adza..., adzaza. Ndachedwa chifukwa cha opaleshoni ya bambo ako. Kalanga ine ndataya udzu womwetamweta.’ Mustafa adalira mosatonthozeka. Bambo aja adachita manyazi ndipo adakokera gombeza nkufunda kumutu. Lizi adayamba kulira atazindikira kuti bambo ake achita manyazi. Mustafa adapitiriza kulira, anthu ena ataona mwana wa a Chigalu ndi dokotala akulira, adaganiza kuti m’busa Chigalu wagonera dzanja. Ambiri adayamba kulira ndipo m’chipindamo munali chipwirikiti.

Tsopano yankhani mafunso otsatirawa

a. Nchifukwa chiyani Mustafa ndi Lizi sanamange banja?

(Malikisi 2)

b. Perekani mfundo imodzi yotsimikiza kuti Lizi samamukonda Mustafa.

 _____ (Malikisi 2)

c. Kodi nchifukwa chiyani Mayi ake a Lizi sanathandizire kuti Lizi akwatiwe ndi Mustafa?

 _____ (Malikisi 2)

d. Pezani chitsanzo cha zipangizo zotsatirarzi kuchokera munkhaniyi

i. Chining'a

_____ (Malikisi 1)

ii. Chifaniziro

_____ (malikisi 1)

e. Perekani matanthauzo a mawu awa:

i. Chiphaso

_____ (Malikisi 1)

ii. Adathedwa nzeru

_____ (Malikisi 1)

iii. Kutaya udzu womwetamweta

_____ (Malikisi 1)

f. Fotokozani khalidwe la M'busa Chigalu popereka mfundo ziwiri .

 _____ (Malikisi 2)

g. Perekani matanthauzo a nsinjiro izi:

i. Sitimwera chikho chimodzi

_____(Malikisi 1)

ii. Zidamupindira ndevu mkamwa

_____(Malikisi 1)

Gawo B (malikisi 40)

Langizo : Yankhani mafunso awiri okha m’gawoli m’ndime zofotokozedwa bwino.

Nthondo (S.J.Nthala)

3. a. Fotokozani mfundo zinayi zosonyeza kuti Nthondo adali ndi mtima wothandiza anthu m’bukuli

(Malikisi 20)

KAPENA

b. Tsimikizani popereka mfundo zinayi zosonyeza kuti mlongo wake wa Nthondo ankamulera bwino

(Malikisi 20)

[illegible]

[illegible]

CHAMDO THE

KAPENA

[illegible]

[illegible]

©2023/24 DESHA MOCK